

廣  
續  
方  
言

德清俞曲園先生來書

光緒壬寅

一夔仁兄經席僕以虛名浪播海內時局大變吾道將窮東坡云垂死初聞道平生誤信書每誦斯言以爲太息而足下又曲相推許盛爲揄揚雖承賢者之雅懷實非鄙人之私願也伏讀大箸數種具有本原非同掇拾既欽爲學之日益亦欣吾道之不孤廣續方言中吳楚謂之瀨今江東呼爲蛭蟻此二條似宜酌蛭蟻句似宜據慧琳原文於句上增水蛭二字

本是原書標目不嫌增益

吳楚句

或連上引王逸注爲文未知可否又一條云其河彼俗謂之燕支河其字上無所承亦似宜酌此等處均無傷

全書之美既承見示輒布陳之選雅之作自是上揜羣雅非足下不能成此書遵命題耑并製小序聊副來書未足增重三都也手書布復并謝大教卽頌箸安匆匆不一愚弟俞樾頓首二月二十七日

先甲按曲園先生此書被飾備至誠非所任然亦足見老輩之德雅矣所言瀨蛭蟣燕支河三條已改正今曲園先生墓草已宿循省手墨能勿潜然宣統二年四月先甲記

丹徒陳善餘徵君

慶年

來書

光緒丁酉

一夔仁兄大人閣下前來一楮久經誦悉近于初九日  
又奉手櫛題目一紙已交與壽民若木矣并展讀大著  
廣續方言搜羅既富體例亦精而排印又疏朗可觀令  
人快慰不可言印完以後當紬繹首尾勉作一書以塞  
前諾屆時必望先行寄示暫緩裝訂諒不急急也郭刻  
方言得便郵致亦欲少加檢視方能著筆弟近頗發火  
氣終朝栗碌無穀可狀纂輯趕畢以後擬仍返舊巢庶  
可常得瞻近久雨天寒多多珍衛卽頌箸安小弟陳慶  
年叩四月十七日

如皋沙健菴太史

元炳

來書

光緒丁酉

一夔仁兄同年大人足下前者壽人南歸屬致飢渴之  
忱比奉賜書藉審起居清謐著采賻富甚慰甚慰元伏  
處海濱學業荒落過蒙獎飾祇增慙耳承示大著廣續  
方言二冊蒐采綦博际杭程二家之書多十之五六可  
謂勤矣匆匆循覽閒有芻蕘之見謹獻左右以備采擇  
方言六由迪正也東齊青徐之閒相正謂之由迪尊箸  
引玉篇云青州之閒相正謂之迪願義蓋出方言誤攷  
由字耳方言七北燕之外郊凡勞而相勉若言弩力者  
謂之倅莫尊箸引樂肇論語駁云燕齊以勉強爲文莫

文侔一聲之轉樂義蓋本方言此二條似與揚書複北  
方名強直爲懷楚人謂相調笑爲哈隴西以犬子爲猶  
纂文誤攷子並與杭書同特徵引異耳然大端引據詳  
核洵爲訓故有用之書異日得綴學之士如錢氏箋疏  
揚書沈氏疏證杭書之例更爲申釋亦小學之管鍵也  
方言爲釋五方通語之書其有泛釋名義不言某方者  
疑經後人竄攷其逸義往往見於他說方言蒔殖立也  
蒔通作倖周官太宰疏云東齊人物立地上爲倖方言  
鑄餽餽也說文云吳人謂祭爲餽方言龍喊喊啼聲也  
法言問神篇吳注云喊聲也今吳人謂呵曰喊方言噉

也玉篇廣韻竝云蝦吳人呼短物也斯類不可備舉據此知方言不云某方者半由譌敗非盡原書矣質之大雅以爲何如今廣方言館開朝廷勤求四方瑰特之彥將以考驗異俗殊語通之政事劉歆所謂子雲攘意之秋蓋在斯時矣足下儻有意乎草草裁答順候箸安不備不莊小弟元炳再拜五月二十一日

先甲按書中所言與揚書複者二條其青州之間相正謂之迪一條丁酉排印本有之今已芟其燕齊以勉強爲文莫一條則未芟蓋此條較方言多一齊字且方言之異屬聲轉者半爾雅之同實異名亦多聲

轉揚書亦然未可以其聲轉而棄之也至書中所舉  
儼一條哈一條猶一條謂與杭書同特徵引異則識  
語所謂與兩家所引之書不同而文義相類亦資參  
證者已標其例故未芟宣統二年夏四月先甲記



廣續方言識語

方言者蓋爾雅之苗裔風詩之別錄首基于姬聖而張  
皇平輶軒子雲氏作操簡勤咨哀集成帙上之可以證  
經次之亦堪通俗將以極故訓之變窮聲音之原者也  
景純歎爲洽見之奇書不刊之碩記亶其然已

國朝杭氏因而續之掎摭甚够然亦閒有敘遺四庫提  
要曾略舉之先甲披吟之暇時亦弋獲繼見長洲程氏  
續方言補苴其與之複者數条凡杭程兩家所未及者  
悉爲甄錄其有與兩家所引之書不同而文誼相類亦  
資參證故並著焉但長洲程氏所補下逮宋人茲所徵

書則斷自唐止若夫書雖出自唐下而引有古籍者亦加擇擇兼以存佚至杭氏間依爾雅目次則方言類聚已肇厥端茲沿其例復爲標題以便尋檢

揚書中有泛言五方通語者有泛釋名義不言某方者後人若援斯例則漫無限斷茲故未敢

杭書所引說文爾雅郭注揆之揚書輒多犯複蓋說文多原本方言郭注爾雅亦然卽非方言本文亦見注中至注疏釋文陸璣詩疏諸書有本方言立文者杭氏間亦誤引均爲失檢若夫長洲程氏所輯亦有一条與揚書複先甲于揚書探討稍勤然兩家之弊恐亦未免

許叔重淮南注今已佚杭氏所引皆據他書而輯第未標明何書亦似稍疏茲則必稱某書所引或羣書互有異同或文與今本頗多出入閒加按語以備參稽

篇中所引書名多從簡約如唐釋玄應一切經音義釋慧琳一切經音義但稱玄應音義慧琳音義太平御覽但稱御覽之類是也

篇中所云原本玉篇者黎刻日本本玉篇零卷也云廣益玉篇者大廣益會玉篇也所引廣韻迺張氏澤存堂繇本也閒以黎刻日本本校卽注其下

篇中所采嶺表錄異西陽雜俎頗涉小說第山海經博

物志杭程兩家各嘗取諸亦以稍近雅爾至西京雜記  
雖云僞撰要亦唐以前人所爲若禽經則出唐後故從  
舍旃

是篇輯于光緒壬辰嗣以疊遭喪故久不復省丁酉春  
病中發敝篋諸藁叢殘黯然自愍迺舉是篇先加排比  
用跂匡糾

光緒二十三年太歲丁酉江甯程先甲一夔自識

丁酉歲廣續方言定本出勦先生禮卿鄭子太夷亟稱  
之太夷且爲署卷端旣排印數百本十餘年來詒餉略  
盡紬繹之餘或有移易損益輒識行間今歲迺復刊之

視丁酉本刪者四增注者十有三點定者八曲園老人  
暨沙陳二子所遺之書皆前本所未及亦最錄焉三弟  
先科良賢見余著書恒壯之前本卷尾有弟先科審校  
字今重刊是書弟之天逝久矣然痛之甚故卷尾仍其  
題字焉

宣統二年太歲庚戌四月先甲記

廣續方言卷一

江甯程先甲一夔輯

今河北人云嗟嘆音免置

爾雅釋詁郭注

今北方猶呼痲瘡音皆

顏氏家訓書證篇

今關中俗呼二更三更爲夜央夜半此蓋古之遺言謂

夜之中耳

匡謬正俗一

今江淮田野之人猶謂區爲正亦古之遺音也

匡謬正俗三

今山東俗謂眾爲洋

匡謬正俗六

以上詁

詁之爲言古也後世方言符乎古者入之

齊人所善曰麾

禮禮器鄭注

沅州謂欺為訛

說文按慧琳音義十一引作兗州謂欺為訛魯語也又玄應音義入纂文

訛太可反兗州人以相欺人為訛又音湯和反訛避也

廣益玉篇言部

兗州人謂欺曰訛俗作訛

諱揚州云言

原本玉篇言部作埤倉

謔語也河東云

同上

僇楚云慢言輕易也

廣益玉篇心部

北方名強直為僨

同上

黹吳人呼短物也

廣益玉篇發部

恆吳人語快

廣韻二仙

𦵏燕人云多

廣韻八戈

些楚語辭

廣韻三十八箇

吳人云牽亦爲據也廣韻四

指吳人云拋也廣韻五

跑秦人言蹴廣韻四

斲秦人云切草廣韻十

吳人以冷爲淘世說六注

蒼頡篇有脣下交反字訓詁云痛而諄也諄火音羽罪

反今北人痛則呼之聲類音于未反今南人痛或呼

之顏氏家訓風操篇按今北人今南人二句乃顏

各誤以爲蒼頡聲類氏語小學鉤沈所輯蒼頡篇玉函山房所輯聲類

今山東俗謂伏地爲跌匡謬正



吳楚之俗謂相對舉物為剛同上

嗟楚人發語端也文選吳都賦注引爾雅

擊者開除之名也今僉人通有此語文選射雉賦注

北方人呼插物地中為刺文選思立賦注引漢書韋注

齊人謂齧咋為齧齧側齧也玄應音義卷七第十三並引蒼頡篇按慧琳音義

五十七無側字又二十八側作則

辛甚曰𦵏引通俗文江南言𦵏中國言辛玄應音義十三琳音義七十三慧

又古今韻會引李登聲類云江南曰辣中國曰辛

哈蚩笑也楚人謂相調笑為哈玄應音義十六引字書

潰汚灑也引三倉江南言潰山東言湔玄應音義十八又慧琳音義九潰

又作𦵏𦵏二形同子旦反江  
南行此音山東音蒯子見反

關西以逐物爲趁玄應音義十  
九引纂文

睇望也海岱之間謂睇慧琳音  
義九

勦謂勁速勦健也中國多言勦勦音姜權反慧琳音義  
五十六

招他勢反中國言招江南言挑音土彫反慧琳音  
義七十

齊魯謂捨曰褰希麟續音義九  
引顧野王曰

菸乙餘反引韻今關西言菸山東言薦薦音於言反江

南亦作𦵏𦵏又作萎菸菸邑無色也玄應音  
義十

江淮閒音以韓爲何廣韻  
七歌

𦵏音于粉反此楚人聲重耳史記東越  
列傳集解

吳人呼祠祀爲鴟祀呼紺爲禁呼蓋爲竹簡反呼鑊字

爲霍字

顏氏家訓書證篇

南人以錢爲涎以石爲射以賤爲羨以是爲舐

顏氏家訓音辭

篇

北人以庶爲戍以如爲儒以紫爲姊以洽爲狎

以下八条並同

上

兄當音所榮反今北俗通行此音

璵璠魯之寶玉當音餘煩江南皆音藩屏之藩岐山當

音爲奇江南皆呼爲神祇之祇江陵陷沒此音被於

關中

北人之音多以舉莒爲矩

甫者男子之美稱古書多假借爲父字北人遂無一人呼爲甫者

焉字若訓何訓安當音於愆反若送句及助詞當音矣愆反江南至今行此分別昭然易曉而河北混同一音

邪者未定之辭而北人卽呼爲也字

河北切攻字爲古琮與工公功三字不同

隄防之隄字並音丁奚反江南末俗往往讀爲大奚反

匡謬正俗五

今吳越之人呼齊等皆為丁兒反

匡謬正俗六

反扶萬今關中俗呼回還之反亦有此音

匡謬正俗七

穰字當音而成反今關中間里呼禾黍穰穰音猶然

同上

中之當反音張謂中央也猶呼音入耳今山東俗猶有

此音

同上

年壽之字北人讀作受音南人則作授音

匡謬正俗八

今關中俗呼斃皆作𦍋音

同上

江南近俗讀愈皆變為踰

同上

厭眠內不祥也

引字

山東音於葉反

玄應音義一卷五卷九卷十六

並同又慧琳音義四十六作山東音伊葉反五十九作江東音於葉反按山東句乃玄應語小學

沈玉函山房書誤以為字苑本交凡  
鉤沈玉函類此誤者甚多不具出

鮮呼干反江南行此音

玄應音義十四十五  
十七十九並引字苑

覆敷務反見韻英秦音也諸字書音為敷救反吳楚之

音也

慧琳音義一

茂莫候反吳楚之音也韻英音為摸布反

慧琳音義四

浮附無反玉篇音扶尤反陸法言音薄謀反下二皆吳

楚之音也

慧琳音義七

打德耿反陸法言云都挺反吳音

慧琳音義八

又二  
十七云今取秦音得

耿反

打德冷反今江外吳地見音為頂

慧琳音義十一  
又卷十二吳音為頂兩

見

髀古文作碑同蒲米反北人行此音又方爾反江南行

此音

慧琳音義九 又卷五十九卷七十同 又卷二十五卷五十六方爾反並作必爾反

猫莫包反江外吳音以爲苗字

慧琳音義十一

阜扶久反吳楚之音也

慧琳音義十二 又四十一

虹胡公反江東音絳

慧琳音義十七

螯蟲行毒也一音尸赤反是關西音也又音呼各反山

東音也又作蛆字知列反東西通用也

慧琳音義二十五 又卷

四十八卷七十二同 又卷九末句作南北通語也又云音蛆誤也

瘡當賴反又作𤑔同字林女人赤白瘡二病也關中多

音帶

慧琳音義二十五 又七十三云關中音多滯反

復吳音扶救反秦音馮目反

慧琳音義二十七

𪔐五狡反中國音也又下狡反淮南音也

慧琳音義四十二 又四

十八淮南作江南按似當作江南爲是

𪔐又作𪔐同五狡反𪔐𪔐也關中行此音又下狡反江

南行此音

慧琳音義七十一 又七十三云江南曰𪔐

鎔以終反江南行此音謂鎔鑄銷洋也

慧琳音義四十八 又四十九

髻又作穎同而甘反江南行此音又如廉反關中行此

音

慧琳音義五十六

𪔐音苦代反江南此音字隱起志反山東行此音

同上按南



下脫行字字隱疑當作音隱說文音隱也

又六十五云又上既反山東行此音

墟居也南楚汝潁言亦墟聲

慧琳音義五十七

跂多箇反江南俗音帶謂倒地也

同上

揣音都果反北人行此音又初委反江南行此音

慧琳音義

五十九又七十又七十二北人作關中

麗霜智反北土行此音又所隘反江南行此音

慧琳音義五十

九

劈古文錐脈二形字林匹狄反破也關中行此音說文

音隱披厄反江南通行二音

同上

饒余招反山東行此音又徒弔反今江南行此音

同上

鞘諸書作削同江南音嘯中國者者當笑同上又六

笑音

箒蒼頡篇作圖同市緣反圓倉也江南行此音又作上仙反中

國行此音慧琳音義七十

睫子葉反山東田里閒音子及反同上又七十三

儻擲耕反吳音慧琳音義七十九

蟲音文吳音蜜彬反同上

掛古畫反又吳音怪慧琳音義一百

粽音總蜀人作去聲呼粽子同上

匈奴名引弓曰控文選西都賦注引說文又羽獵注控下有弦字

于發語聲也戎蠻之語則然于越猶句吳耳漢書貨殖傳注

句麗呼相似為位魏志東夷傳魏書北史並同

巴人謂賦為賓魏書賓李雄傳

蠕蠕 受羅部真可汗魏言惠也 伏古敦可汗魏言

恆也 他汗可汗魏言緒也魏書蠕蠕傳

能夷人語奴等切廣韻四十三等

天竺言衍此言乘文選頭陀寺碑文注

曼莫盤反高昌謂問為曼慧琳音義五十九又七十三

以上言古謂之言今謂之字一字之開音義殊方故次之以言

蹇蹇亦北方通語也慧琳音義八十五引古今正字

諸訶怒也趙魏云

原本玉篇言部引埤倉

淮南曰頽偶

廣益玉篇頁部

扼乃果切扼摘趙魏云也

廣益玉篇手部

燕齊以勉強爲文莫

丹鉛總錄引晉樂肇論語駁按玉函山房輯此条增論語樂氏釋

疑

今太原俗呼痛而呻吟謂之通喚

匡謬正俗六

太原俗謂事不妄帖有可驚嗟爲渴罩

匡謬正俗七

山東俗新沐浴飲酒謂之幾頭

同上

匾匾薄也今俗呼廣薄爲匾匾關中呼婢匾

玄應音義六引纂文

又慧琳音義二十七所引末句作關中呼云俾遞又云俾補迷反有作膈腴近字耳

八

廣續方言一

凡物無有子遺名為噍類齊人語也

慧琳音義十四按噍上疑脫無字

今中國謂蕃息為嬖息音匹萬反

慧琳音義十七又四十六

鏡仕衫反刺干亦反今江南猶言鏡刺也

慧琳音義四十九

抖擻蒙蒙也

引難字

江南言抖擻北人言蒙蒙音都穀反

下蘇穀反

慧琳音義五十九

天竺言頭陀此言斗藪斗藪煩惱故曰頭陀

文選頭陀寺碑文注

今江南凡言打物破碎為磕破

磕苦盍反

亦大聲

慧琳音義七十

泗似流反謂浮水上也江南言拍浮也

慧琳音義七十

迸又作跼蹏二形同補諍反迸散也走也江南言蹏遺

遺音讀

慧琳音義七十二

攢扶味反南人謂相撲爲相攢也

慧琳音義七十三

今中國人謂撩理行具爲縛揀縛音付揀音戍

同上

剩音承證反亦楚郢之間語辭也言剩如此者意云豈

能便如此

慧琳音義一百

匈奴謂賢爲屠耆

史記匈奴列傳

紇干者夏言依倚也

託鐸者言非神非人之稱也

晉書

乞伏國仁載記

夫餘其俗言朱蒙者善射也

魏書高句麗列傳北史高句麗傳同

勿吉

國南有徙太山魏言太皇

魏書勿吉列傳隋書靺鞨傳徙作徒

又

北史勿吉傳徙作從

蠕蠕

豆伐猶魏言駕馭開張也

北史蠕蠕傳上藹豆伐作豆代

苦蓋可汗魏言姿質美好也 牟汗紇升蓋可汗魏

言制勝也

北史蠕蠕傳牟汗作牟汗

勅連可汗魏言神聖也

候其伏代庫者可汗魏言悅樂也 豆羅伏跋豆伐

可汗魏言彰制也 彌偶可社句可汗魏言安靜也

勅連頭兵豆伐可汗魏言把攬也

魏書蠕蠕傳

意利珍豆啟民可汗華言意智健也

隋書突厥傳北史民作人

登利者猶華言果報也

舊唐書突厥傳上

頡咄華言社稷法用 登密施華言封竟 含俱錄華

言婁羅 毘伽華言足意智

婆墨華言得憐

舊唐書回

紇傳

合言猛素者左也謂猛武善左射者新唐書回鶻傳

突厥呼闢戰為軋犂山舊唐書安祿山傳按新書作軋犂山虜所謂闢戰神者

梵言菩提漢言王道廣韻十一模

佛陁與浮圖聲相近皆西方言其來轉為二音華言譯

之則謂淨覺魏書釋老志

服其道者謂之沙門或曰桑門亦聲相近總謂之僧亦

胡言也魏書釋老志又後漢書楚王英傳注桑門即沙門

沙門秦言義訓勤行趨涅槃也文選頭陀寺碑文注

天竺言檀此言布施同上



波羅蜜此言到彼岸也

同上又世說二注

摩訶秦言無大亦言勝大

同上

天竺言釋迦牟尼此言能仁

同上

外國云布薩此云淨住亦名長養亦名增進

文選齊竟陵行狀注

引淨住子

維摩詰者秦言淨名

世說二注引僧肇注維摩經

阿毗曇者晉言大法也 阿毗曇者秦言無比法也

世說

二注

蘇莫遮西戎胡語也正云嚴磨遮

慧琳音義四十一蘇又希麟續音義一

莫遮胡語也本云嚴磨遮此云嚴也出龜茲國

提堤犀魚龜茲語也此云蓮花精進

希麟續音義三

以上訓

訓者道也道物之貌以告人也凡重言連語及解釋之辭並著斯篇

廣續方言卷一終

弟先科審校

廣續方言卷二

江甯程先甲一夔輯

爹吳人呼父

廣韻九麻

爹羌人呼父陟邪切

廣韻九麻 又三十三哿 爹北方人呼父徒可切

莫賀宋言父也

宋書鮮卑吐谷渾傳云莫賀郎華言父也 又魏書吐谷

谷渾傳 同魏書

嬰齊人呼母

廣益玉篇女部 又廣韻五支十二齊並 同但十二齊嬰作婆又十一齊曰嬀楚人

呼母

姐羌人呼母

廣韻三十五馬

北人謂胡父鮮卑母爲鐵弗

魏書鐵弗 劉虎列傳

今南北風俗言其祖及二親無云家者田里猥人方有

此言耳

顏氏家訓  
風操篇

凡宗親世數有從父有從祖有族祖江南風俗自茲已

往高秩者通呼為尊同昭穆者雖百世猶稱兄弟若

對他人稱之皆云族人河北士人雖三二十世猶呼

為從伯從叔

同上

鮮卑謂兄為阿干

晉書吐谷渾傳同

又宋書鮮卑吐谷渾傳作徒河

以兄為阿干也北史吐谷渾傳作徒河以兄為阿干也按吐谷渾三字急讀則為徒河

南詔蠻謂兄為容

新唐書南詔蠻傳

謂弟為鍾

舊唐書南詔蠻傳

兄弟之子北土多呼為姪

顏氏家訓  
風操篇

嬰齊人呼姊廣韻

五音

河南人云妹媚也

爾雅釋文引何承天纂文

媚云貴切楚人呼妹

廣益玉篇女部又廣韻八未同

楚人謂寡為孀居

慧琳音義六十一引考聲又九十引古今正字云楚人謂寡婦曰孀

河北士人皆呼外祖父母為家公家母江南田里閒亦

言之

顏氏家訓風操篇

北閒風俗婦呼舅為大人公

顏氏家訓書證篇

今關中呼夫之父曰妯

慧琳音義五十五引考聲又五十七引作妯亦夫之兄也

單于胡所謂天子

史記匈奴列傳索隱引玄晏春秋又御覽八百七十引玄晏春秋曰撐

黎天子也言匈奴之號單于猶漢人有天子也

單于者廣大之貌言其象天

單于然史記匈奴傳集解

虜言處可寒宋言爾官家也宋書鮮卑吐谷渾列傳又魏書蠕蠕傳處可汗魏

言唯也

北史同

可汗北狄王號慧琳音義八十三

可汗猶魏言皇帝也魏書蠕蠕傳

伊利可汗猶古之單于也周書突厥傳舊唐書突厥傳上同但可汗上無伊利二

字

扶桑 名國王為乙祁梁書東夷傳又南史同

波斯 國人號王曰醫噴魏書西域傳又周書波斯傳醫作翳北史波斯傳醫作

璽

候婁劬勒猶號言大天子也

魏書高車傳  
又北史同

百濟 王姓夫餘氏 民呼爲韃吉支夏言並王也

周書

百濟傳

又北史同

流求 其王姓歎斯氏 彼土人呼之爲可老羊

隋書  
流求

傳

吐蕃 其俗謂強雄曰贊丈夫曰普故號君長曰贊普

新唐書吐

蕃傳上

林邑 呼王爲陽蒲通

新唐書  
環王傳

蠻謂王爲詔

舊唐書南詔蠻傳  
四曰茫蠻茫是其君之號蠻呼茫詔

按唐樊綽蠻書

驃信夷語君也

新唐書  
驃傳

渤海靺鞨 俗謂王曰可毒夫曰聖主曰基下其命爲

敦 新唐書渤海靺鞨傳

闕氏舊音曷氏匈奴皇后號也 史記匈奴傳索隱又引習鑿齒與燕王書匈奴

名妻作闕氏今可音烟支

波斯 妃曰防步率 魏書西域傳周書北史並同

西域呼王妃爲弟脾男夫爲弟婆 慧琳音義二十二

百濟 妻號於陸夏言妃也 周書百濟傳又北史同

突厥 號其妻爲可賀敦亦猶古之闕氏也 周書突厥傳新唐

書敦上無賀字又舊唐書回紇傳其妻爲可敦

流求 妻曰多拔茶 隋書流求傳北史流求傳茶作茶



吐蕃

贊普妻曰末蒙

新唐書吐蕃傳上

林邑

妻爲陀陽阿熊

新唐書環王傳

南詔蠻

妃曰進武信麼

新唐書南詔蠻傳

渤海靺鞨

妻貴妃

新唐書渤海靺鞨傳

渤海靺鞨

王之父曰老王母太妃

同上

南詔蠻

王母曰信麼亦曰九麼

新唐書南詔蠻傳

波斯

王之諸子曰殺野

魏書西域傳周書北史同

高車

窮奇號候倍猶魏言儲主也

魏書高車傳又北史同

林邑

太子爲阿長逋

新唐書環王傳

渤海靺鞨

長子曰副王諸子曰王子

新唐書渤海靺鞨傳

單于長女云爲須卜居次

漢書匈奴傳下

居次者女之號若漢

言公主也

漢書匈奴傳下注

扶桑 貴人第一者爲大對盧第二者爲小對盧第三

者爲納咄沙

梁書東夷傳書高麗傳其官大者號大對盧

南史同

又舊唐

魏 國中呼內左右爲直眞外左右爲烏矮眞曹局文

書吏爲比德眞檐衣人爲樸大眞帶仗人爲胡洛眞

通事人爲乞萬眞守門人爲可薄眞僞臺乘驛賤人

爲拂竹眞諸州乘驛人爲咸眞爲主出受辭人爲折

潰眞貴人作食人爲附眞三公貴人通謂之羊眞

南齊

書魏虜

列傳

突厥 侍衛之士謂之附離夏言亦狼也

周書突厥傳

吐蕃 其官有大相曰論薩副相曰論薩扈莽各一人

亦號大論小論都護一人曰悉編掣逋又有內大相

曰曩論掣逋亦曰論莽熱副相曰曩論覓零逋小相

曰曩論充各一人又有整事大相曰喻寒波掣逋副

整事曰喻寒覓零逋小整事曰喻寒波充皆任國事

總號曰尙論掣逋突瞿

新唐書吐蕃傳上

曩骨猶千牛官

也

同上

農力熱猶中國號郎也

新唐書吐蕃傳下

林邑 宰相爲婆漫地

新唐書環王傳

東女國 有女官曰高霸黎猶言宰相也

新唐書東女國傳

高麗 主圖簿者曰太大使者曰帛衣頭大兄所謂帛

衣者先人也 中裏小兄猶唐謁者也 新唐書高麗傳

日本 朝臣真人者猶中國戶部尙書 舊唐書日本傳

南蠻名渠帥爲精夫相呼爲婁徒 後漢書南蠻傳

柘羯者猶中國言戰士也 新唐書康國傳

曳落河猶言健兒云 新唐國回鶻傳

匈奴名奴婢爲貲 魏志烏丸鮮卑東夷傳評注引魏略又南齊書河南傳虜名奴婢爲貲

黠戛斯 呼巫爲甘 新唐書回鶻傳

魏 殺人者爲契害真 南齊書魏虜傳

渠們底個江右彼此之稱 史通

儂吳人稱我是也

廣益玉篇人部

你齊人呼傍人之稱

廣韻六止

南詔蠻 自稱曰元猶朕也謂其下曰我猶卿爾也

新唐

書南詔

蠻傳

辰韓名樂浪人爲阿殘東方人名我爲阿夷

魏志東夷傳

獠 其丈夫稱阿暮阿段婦人阿夷阿等之類皆語之

次第稱謂也

魏書獠傳作阿第

又周書獠傳阿等北史獠傳同魏書

吳人以中州人爲僮

世說三注引晉陽秋又廣益玉篇人部引作吳人謂中國人爲僮

又慧琳音義六十五引與玉篇同但僮下多一人字又云俗又總謂江淮間雜楚爲僮

秦謂民爲黔首謂黑色也周謂之黎民

廣韻二十四鹽

今兗州人謂殷氏皆曰衣

呂覽慎大篇注

北俗謂土爲託謂后爲跋故以爲氏

魏書帝紀第一序紀又廣韻三十

八箇引周書賀拔勝傳云北方謂土爲拔而今周書賀拔勝傳無之

宇文泰代武川人也其俗謂天曰宇謂君曰文因號宇

文國並以爲氏焉

周書文帝紀上

鮮卑呼草爲俟汾遂号爲俟汾氏後世通稱宇文蓋音

訛也

廣韻九慶

北俗謂忠貞爲賀若魏孝文以其先祖有忠貞之稱遂

以賀若爲氏

廣韻三十八箇

顙顙或作鬲顙或名頭顙或名額徒各反顙音盧皆一

義亦由楚夏音殊輕重訛轉耳

慧琳音義五

今江南謂領納搖頭爲領條亦謂笑人爲領酌條音蘇

感反

慧琳音義三十三

今江外吳音呼額爲訝並邊方訛也

慧琳音義四

江東人呼額爲訝幽州人謂額爲鄂皆聲訛轉也

慧琳音義

十六

今江東言領頭朕額乃以領爲後枕高朕之名也

慧琳音義

三十三 又五十六云領出額也今江東南云領頭朕額也

眇目偏合也一曰衰視也秦語

說文

眇舉眼也燕代朝鮮列水謂盧瞳子爲眇

廣益玉篇目部

廣續方言二

瞋目小視也南楚謂眊曰瞋

廣益玉篇目部引說文按與今說文異

吳人呼瞬目為眊目

列子黃帝篇釋文引纂文

紇訖斯 後狄語訛為黠戛斯蓋回鶻謂之若曰黃赤

面云

新唐書回鶻傳

咽又作咽同一千反咽喉也北人名頸為咽也

慧琳音義七十一

一

江南見今呼乳汁為漣去聲

慧琳音義十二又二十八作今汝南亦呼乳為漣

又三十三兩見並作江南又七十九

吳音呼乳汁為漣今江南見行此音

髀又作髀同口亞反腰骨也

引埤

蒼江南呼髀上骨接腰

者曰髀

慧琳音義三十七



腓吳人云𦓐廣韻三十七𦓐

江南謂開膝坐爲𦓐跨坐山東謂之甲趺坐也𦓐音拔

患反跨音口患反慧琳音義二十七又七十一

今江南謂屈膝立爲𦓐趺中國人言胡𦓐音其止反胡

音護𦓐音文羊反慧琳音義七十

今江南呼脰曰𦓐山東曰𦓐𦓐𦓐音下孟反𦓐音丈孟

反脰𦓐俱是膝下兩骨之名也慧琳音義七十二

江南言腓𦓐中國言𦓐𦓐或言腳𦓐也慧琳音義四十五

南陽謂大呼曰𦓐廣益玉篇口部

今江南謂作姿名𦓐伊山東名作𦓐慧琳音義四十九

吳俗謂好女為娃

文選吳都賦注

南楚以美色為娃

初學記十九引通俗文

南楚以好為娃

御覽三百八十八

一引通俗文

小兒戲謂之狡獪

引通俗文

今關中言狡刮訛也

慧琳音義七十三

關中俗謂髮落頭禿為椎

匡謬正俗六

叢兜眇也

引說文按今說文兜作目

今江南呼眇為眇兜也

慧琳音義七十

二

齊郡謂瘕曰欬

玄應音義卷十五卷十八並引蒼頡篇又慧琳音義七十三郡作都又原

本玉篇欠部引作齊郡謂欬曰欬也

歐欲吐也江南或謂歐喀喀音客

慧琳音義四十九

羅反藏鄧今內國云轂音贈慧琳音義十五

今河東謂淫腫為脰廣韻五十五犯黎本脰作脰但大字仍作脰

毒肺火斬反江南言肺腫慧琳音義七十一

體蚌沸曰瘖沮引通俗文音扶分才與反江南呼沸子山東

名瘖沮慧琳音義五十九

吳會江湘謂醫病曰療慧琳音義二十九

以上親依說雅附爵秩氏族依廣雅附身體

楚人名門曰閭闔說文按慧琳音義八十五引作楚人名宮門曰閭闔門楚宮也又按

廣益玉篇門部所引與今說文同

楚人呼門限曰櫺廣益玉篇木部

南楚汝沛名里門曰閉

文選班孟堅史述贊注

楸又作楔同先結反江南言櫟子林反楔通語也

慧琳音義

三十一

又四十六云今江南言櫟中國

言屈屈側洽反

又五十作櫟子僉反

關中之言阿櫟

櫟徒得反

江南言櫟杙也

慧琳音義七十

櫟栢秦名屋聯也

說文

櫟栢秦名屋縣聯楚謂之栢

文選景福殿賦注引說文按與今本說文不同

栢今秦中呼為連簷呼為栢者楚語也亦通云櫟栢也

慧琳音義

八十二

齊人云屋棟曰桴也

廣韻十八尤黎本棟作棟

今山東呼棟為桴者一斲反

慧琳音義五十九按者當作音

榱今楚人亦謂之榱子

慧琳音義  
八十二

枅柱上方木也山東江南皆曰枅自陝以西曰枅

玄應音義

卷一卷十四並引三倉 又任氏三蒼攷逸補正首  
句下有一名枅三字末句作自關以西曰枅亦曰枅

楚人謂柱碣曰碣

慧琳音義七十三七十七九十二九  
十八並引淮南許慎注 又八十五

云柱碣南人呼為碣

又原本玉篇石部引同

今河東人呼廳為房也

慧琳音義  
六十六

楚人呼竈為竈

廣益玉篇穴  
部引倉頡篇

齊楚曰塔揚越曰龕一云塔下室也

倭名類聚抄五  
引孫愐切韻

建宮宇謂為塔塔亦胡言猶宗廟也

魏書釋  
老志

河東鹽池謂之鹽

水經注六引字林 又廣韻十一模  
陳楚人謂鹽池為鹽出方言今方言

無之 又說文十二上鹽河東鹽池也

江東呼甃為甌甌

文選長門賦注引爾雅郭注按與今本爾雅郭注異

狹長者謂之甌甌

俗引通江南言言甃慧琳音義五十六按疑衍一言字

溝瀆者句麗名城也

魏志東夷傳又梁書高句麗傳溝瀆者句麗名城也又北史高

麗傳同

魏志

百濟 號所治城曰固麻

梁書東夷傳南史東夷傳治作都又隋書百濟傳其

都曰居拔城北史百濟傳其都曰居拔城亦曰固麻城

新羅 其俗呼城曰健牟羅

梁書東夷傳南史東夷傳同又新唐書新羅傳

作謂城為侵牟羅

以上宮

東楚名缶曰甗

說文 按原本玉篇用部由字下云今爲由字說文以由東楚謂缶也音側治

反在由部

甗長沙呼甗也

廣韻三十四果

今江南謂瓷碗瓦碗總名爲甗

慧琳音義六十一

甗受一斗北燕人謂甗曰甗大甗也

慧琳音義十一引埤倉

瓢瓠勺也江南曰瓢櫬蜀人言櫬

玄應音義十八引三倉 又慧琳音

義七十三云今江南呼勺爲櫬

鉢學佛道者食器也胡人謂之孟也

倭名類聚抄四引四聲字苑

鉢鉢也吳人云也

廣韻十九鐸

錫鎗小釜也

引埤蒼 蜀人名鎗 慧琳音義七十九

秦人以鈞鑠為銚鑠

御覽七百五十七引纂文又廣韻三十九過銚蜀呼鈞鑠

暎映大筥也趙代以筥為筥

御覽七百六十按小學鈞沈所輯纂文暎映作暎

非獸

筥籍藉也飯器受五升秦謂之筥

慧琳音義五十八引字林

簞浙簞也一曰藪魯人謂之浙囊

御覽七百六十引何承天纂文

蒲州盛酒罍謂蒲絢

匡謬正俗六

篋終戎人呼之

廣韻一東按韻會一東戎人呼篋曰篋蓋本此

關西以書篇為書篇

玄應音義卷二卷六並引纂文

吳人謂簞為笙

文選吳都賦注

磴北土名也江南呼摩

慧琳音義五十九按摩字疑當作磨



榜借音力導反關中名磨山東名榜編棘爲之以平塊

也同上

江湖以銍爲刈也

御覽八百二十三引何承天纂文

鑊吳人云犁鐵

廣韻二十七銜

今江南人呼爲樺鑊巴蜀之間謂鑊爲鑊

慧琳音義四十二引顏氏

證俗音

今江南有齒者爲杷拏字從木

慧琳音義七十三

鉛淮南呼鑊

廣韻四宵

青州人謂鑊爲鑊

慧琳音義九十五引字書又廣益玉篇金部云鑊青州人呼鑊也亦作

鑊廣韻五支鑊青州人云鑊

榜今江東斫物曰榜也今或以戒守所擊為櫟也

慧琳音義

五十引爾雅郭注按今爾雅郭注無

拋礪乃江鄉吳越之文言

慧琳音義九十

蜀以木偃魚為枋

廣韻十陽又說文繫傳十一引字書作蜀人以木偃為枋

邠揚州取魚留也吳人謂之笥主

御覽八百三十四引何承天纂文

蜀人以絮巾為帽絮

御覽七百一十六引博物志

百濟呼帽曰冠襦曰複衫褂曰禪其言參諸夏亦秦韓

之遺俗云

南史東夷傳梁書東夷傳作呼帽曰複衫蓋脫去冠襦曰三字

新羅其冠曰遺子禮襦曰尉解褂曰柯半靴曰洗

梁書東夷

傳南

史同

鄧至國其俗呼帽曰突何

梁書西北諸戎傳南史西戎傳同

南楚之人謂袍爲短褐

慧琳音義八十六引鄭箋毛詩又九十九引許慎淮南注楚

人謂袍爲短褐

袈裟天竺語也此云無垢衣又云功德衣

倭名類聚抄五引釋氏切

韻

紋吳越謂小綾爲紋也

慧琳音義八十六引考聲

氍毹織毛爲文彩本胡語也此無正翻俗曰毛錦卽文

罽也居又反

慧琳音義十三又六十一云蕃人語也卽今之毛布有文爲地衣又六十

四云波斯

胡語也

鮮卑謂被爲秃髮

晉書秃髮烏孤載記又魏書鮮卑秃髮烏孤傳云其俗爲被覆之義

按廣韻一屋云朝鮮謂被為禿髮蓋誤

鞞鞞素合都奚反

引字

今江南謂鞞無頭者為鞞

慧琳音義

五十

行滕江南廝役者有此物亦謂之行纏

同上

江淮以北謂面脂為面澤

御覽七百一十九引世說

爨爨謂之炊爨

說文廣益玉篇爨部爨竈也齊謂之炊

潘浙米汁也江北名泔江南名泔

慧琳音義四十六又卷五十七卷六十

四同

又卷五十八引字林曰潘浙米汁也江南名潘關中名泔按數潘字皆譌也當从番作潘

汰米曰浙

引通俗文

浙泔也江南言浙中國言泔

慧琳音義七十五

師陽米也

引韻集

今中國言師江南言陽師音代陽徒朗

反慧琳音義  
七十三

粳精米也

引三倉注

今江南亦謂師米爲粳

同上

餠周人呼粥也

倭名類聚抄引四聲字苑

高昌僻土有異於華寒服冷水暑啜羅閤

閤受車切

此郡人作糜粥啜之俗號閤也

御覽八百五十九引涼州異物志

殍殍孝秦人云饋喪家食

廣韻二十九換

江南呼飢食爲飢餒餒音豆

慧琳音義五十六

今天竺及以諸蕃由存古風手搏而食名一搏食

慧琳音義

六十

餠吳人呼哺兒也

廣韻四十九敢

炬粲餅餌也江南呼為膏糧

玄應音義五引倉頡篇

麤麤內國呼為環餅亦呼寒具

北戶錄注引顏之推證俗音

今江南呼餽飯已煎米以糖餅之者為桴梳也音浮流

同上

關東謂餅也

原本玉篇食部引鄭眾注考工記

兗豫謂餌曰餠餠也

原本玉篇食部引釋名按今釋名無之

蜀人呼蒸餅為餠

廣益玉篇食部

北方謂烏腊曰脍

說文

北方曰餅南方曰餅

廣韻二十一侵

醢醬所作細切曰齋合物為菹今中國皆言齋江南悉

言菹

慧琳音義十七  
又卷四十八同

齊人或呼全菹為滂

原本玉篇水部引儀禮鄭玄  
注按今儀禮注滂作芋

字書脔脂膏也謂腸閒脂也今中國言脂江南言脔

慧琳

音義三

十七

南方謂凝牛羊鹿血為酪以釀飲之消酒

北戶錄注引  
證俗音

白溢葱薤燕曰泔

原本玉篇水部引釋名  
今釋名作生滄薤薤曰兌  
按

以湯煮物曰滄

引通  
俗文

江東呼滄曰煤煤音助甲也

慧琳  
音義

七十

一

今梁州亦名馬酪為馬酒

御覽八百五十八  
引漢書如淳注

醴醢也河內謂之醢

御覽八百六十五引說  
文按與今說文異

廣續方言二

圭

白鹽胡人和之以供國廚名爲君王鹽亦名玉華鹽金樓子

鰾蜀人呼鹽廣韻二十七銑

巖南方呼醬廣韻十七夬 按醬當作鹽廣雅釋器巖鹽也可證黎本亦誤

嶺南夷名鹽廣韻五十候

鏐鏐也齊謂之鏐說文 按慧琳音義四十六引作齊謂鏐爲鏐 又卷六十云打銅鐵薄

闊如油素片名爲鏐

中國謂紫磨金夷人謂之楊邁南齊書林邑國傳 又南史海南諸國傳云夷

人謂金之精者爲陽邁若中國云紫磨者

點夏斯 每雨必得鐵俗號迦沙新唐書回鶻傳 按原本俗字在雨下蓋



誤

青州謂彈曰張廣益玉篇弓部又廣韻五實青州人云彈張七至張青州呼彈弓

簇箭鎗也引字江南言箭金也山東言箭足慧琳音義二十六

又卷五十二作關西名箭金

積小稍也荆楚巴蜀今謂之積刀長可丈餘慧琳音義二十九引

韻詮

矛下頭曰鐔引釋名音存悶反江南名也關中謂之鑽音

子亂反慧琳音義五十九又六十四

齊人以大槌為柶擊倭名類聚抄五引集文

椎又音直淚反關東謂之蠶槌慧琳音義二十七

突厥者蓋匈奴之別種

其俗謂兜鍪為突厥

周書突厥傳

隋書突厥傳同傳作借號兜鍪突厥恐有譌脫

按北史突厥

胄

除救反

兜鍪也

引廣雅

中國行此音亦言鞮

音低

莫侯反

江

南行此音

慧琳音義二十

櫟音渠例反木釘也

引字林

檢概釘也

引廣雅

江南謂之櫟

栓者所還反

慧琳音義五十九

槩苦代反平斗斛木也

引蒼頡

江南行此音關中工內反

慧琳音義

七十三

南楚謂翳曰翳翳即幢也

慧琳音義六

堅鞮不消曰磯砮

引通俗文

音莫八胡八二反今山東謂骨

綰紐者爲磯砢子蓋取此爲也

慧琳音義五十九按廣韻十四點磯砢

小骨磯砢小石則當從骨作磯砢爲是

綰紫繩也江沔之間謂之紫收繩爲綰綰亦屈沔音彌

善反

慧琳音義五十八引說文按今說文綰字下無此訓而儀禮注有江沔之間謂紫收繩索爲

綰

拼補莖反謂彈繩墨曰拼江南名坪音普庚反

慧琳音義四十九

八又五十二云坪普耕反江南音也又五十九補莖反作補耕反謂上有今字曰作而拼下有也字

坪作拼又七十一坪亦作坪

柿札也

引三倉

今江南謂斫削木片爲柿關中謂之札或

曰柿札

玄應音義卷十卷二十二引三倉按任氏三倉攷逸補正首句柿作棟次句柿作柿末

句柿作梳 又慧琳音義七十

三云中國曰札山東名朴豆札

燒骨以泰曰皖

引通

皖以泰和之

引倉頡

今中國人言

皖江南言鼈音瑞

慧琳音義七十三云鼈又作鼈同江南名鼈北人名

又卷五十五

皖皖音換

繫縛也益州云

原本玉篇糸部引卑倉按廣韻二十幽繫縛也

什聚也雜也吳越閒謂資生雜具為什物

華嚴經迴向品音義引三

倉入法界品音義引同

什聚也雜也謂資生之器物也江南名什物此土名五

行 慧琳音義二十五引三蒼又卷四十七同不言

有今人言家產器物猶

云什物物即器也三句

北土通呼物一因改爲一顆

顏氏家訓  
書證篇

以上器

廣續方言卷二終

弟先科審校

廣續方言卷三

江甯程先甲一變輯

齊歌曰譚吳歌曰飲楚歌曰豔

初學記十五引梁元帝集要

蘇桑朗反

鼓板也

引埤鼓材也

引字書今江南名鼓匡爲蘇

板音五寡反

慧琳音義七十

凡曲名十有二一曰佛印騾云沒馱彌國人及天竺歌

以事王也二曰讚婆羅花騾云隴莽第國人以花爲

衣服能淨其身也三曰白鴿騾云答都美其飛止遂

情也四曰白鶴游騾云蘇謾底哩謂翔則摩空行則

徐步也五曰闕羊勝騾云來乃來乃者勝勢也六曰

龍首獨琴驪云彌思彌此一絃而五音備象王一德  
以畜萬邦也七曰禪定驪云掣覽詩謂離俗寂靜也  
八曰甘蔗王驪云邊思略謂佛教民如蔗之甘皆悅  
其味也九曰孔雀王驪云桃臺謂毛采光華也十  
一曰宴樂驪云囑聰綱摩謂時康宴會嘉也十二曰  
滌煩亦曰笙舞驪云扈那謂時滌煩瞽以此適情也  
新唐書驪國傳 按第十曲無驪云某故从刪

### 以上樂

十月一日黍臚俗謂之秦歲首

荆楚歲時記

黠戛斯謂歲首爲茂師哀以三哀爲一時

新唐書回鶻傳

西域呼夏爲雨

慧琳音義  
二十三

南中六月則有東南長風風六月止俗號黃雀長風時

海魚變爲黃雀因爲名也

御覽九引  
風土記

熙安閒多颶風颶者具四方之風也一曰懼風言怖懼

也外國以爲黑風

御覽九引  
南越志

南中夏秋多惡風彼人謂之颶

御覽二十二  
引嶺表錄異

秦人謂蓼風爲盲風

初學記三御覽二十五並引蔡邕  
月令章句又陳元靚歲時廣記

三引作秦人  
謂之蓼花風

旋嵐者大猛風也亦是北狄突厥語也

慧琳音義三十  
五又四十一

云旋嵐梵語也劫災之時大猛風也

又六十八北狄語呼猛風

嵐婆風梵語大猛風也

又七十九



為可  
嵐

北方謂雨曰霽

集韻十姥霽字注引呂靜韻集

梅熟而雨曰梅雨江東呼為黃梅雨

初學記二引纂要

電關中睽電今吳人謂礮礮

慧琳音義二十七

猛獸兩目如礮礮之光今吳名電為礮礮音息念大念

二反三輔名為類電也

慧琳音義四十六引十州記

養居媛反常山謂祭曰養也

原本玉篇食部引蒼頡篇

胡人謂神明曰天語轉呼天曰祇

慧琳音義三十六

胡謂神為天今關中人謂天神為祇也

慧琳音義三十七引考聲

勃登疑黎夏言地神也

周書突厥傳

以上天

百濟

謂邑曰檐魯如中國之言郡縣也

梁書東夷列傳又南史

同

新羅

其邑在內曰啄評在外曰邑勒亦中國之言郡

縣也

梁書東夷列傳南史同又新唐書新羅傳啄評作啄評

南詔

爽猶言省也

夷語險若州

新唐書南詔蠻傳

高車初號爲狄歷北方以爲勅勒諸夏以爲高車丁零

魏書高

車傳

南方人謂眞臘國爲吉蔑國

舊唐書眞臘國傳

千支亦曰半支跋若唐言五山也

新唐書瞻博傳

驃國華言謂之驃自謂突羅成閭婆人謂之徒里掘舊唐書

書驃國傳 新書 成作朱掘作拙

白蘭羌吐蕃謂之丁霖新唐書 項羌傳

吐谷渾 其部眾又東徙散在朔方河東之境今俗多

謂之退渾蓋語急而然舊唐書吐谷渾傳

戎言中國爲摩訶震旦新唐書 天竺傳

安者一曰布豁又曰捕喝元魏謂忸蜜者新唐書 康國傳

吐火羅或曰吐豁羅曰覩貨邏元魏謂吐呼羅者新唐書 吐

火羅 傳

護蜜者或曰達摩悉鐵帝曰護俚元魏所謂鉢和者新唐書

書識  
匿傳

秣鞞蓋肅慎之地後魏謂之勿吉

後唐書  
秣鞞傳

瞿薩旦那國唐言地乳諸故謂之豁旦

按諸故當  
作諸胡

印度

謂之屈丹舊曰于闐皆訛也

慧琳音義十一引大唐  
西域記 又六十云于

闐胡語國名也諸胡呼此  
國爲豁旦亦名地乳國

迦師佶黎胡語唐云葱嶺鎮

慧琳音  
義一百

吳人以積土爲堞

玄應音義七引何承天纂文 又十  
九引同字又作陴 又慧琳音義六

十七云字林陴小堆  
也吳人謂積土曰陴

以上地

部者阜之類也今齊魯之間田中少高邱名之爲部矣

風俗  
通十

今江東人呼浦為隄

文選謝宣遠王撫軍庾西陽集別詩注引爾雅郭注按與今本爾

雅注異又按汲古閣本文選隄作隈非茲據胡本

吳江中又有魚步龜步湘中有靈妃步昉按吳楚閒謂

浦為步語之訛耳

任昉述異記

長沙謂隄為埽

玄應音義十卷六十七卷七十所引埽倉

長沙謂隄為塘

玄應音義十七引埽倉又慧琳音義卷六十七引塘作塘又六

十七再引塘作塘沙下有人字又七十七引此句作古今正字云又玄應佛性論音義引作長沙郡

謂隄曰塘並引說文從阜唐聲為證

原本玉篇卜部唐字下引亦作塘

埽必駕切蜀人謂平川曰埽

廣益玉篇土部又廣韻四十禡同

頃堤封吳人云也

廣韻三十八梗

匈奴名家曰逗落

史記匈奴列傳集解

以上丘

厓岸依廣雅封冢

王舍國胡語曰罪悅祇國其國靈鷲山胡語曰耆闍崛

山史記大宛列傳正義引括地志按慧琳音義一正梵音云統哩仁馱囉仁屈吒唐云鷲峯山又

二十七耆闍崛山此云鷲峯亦云鷲臺

紫山古所謂崑崙者也虜曰閃摩黎山

新唐書吐蕃傳下

南詔夷語山陂陀為和

新唐書南蠻傳按唐樊綽蠻書四西巖有石和城烏蠻

謂之土山坡陀者謂此州城及大和城俱在陂陀山上故也

石涅卽礬石也楚人名為涅石秦名為羽涅也

山海經西山經

注

以上山

湫水池名北人呼

廣韻十八尤

潞普莫反大池也山東名潞幽州名淀音殿今亦通名

也

慧琳音義十七云

潞音匹莫反又四

又四

公朗反

又五十九云潞音普各反今關中亦名潞

波耶卽蜀賓國人呼水名也或言鬱特此是東天竺人

呼水名也紫利藍此中天竺國人呼水名也

慧琳音義二十

六

渾水中沙出也今江南呼水中沙埕爲渾

慧琳音義三十五引爾雅

郭注 又三十七引同惟培作堆 又四十七引作

潭沙出郭曰今江東呼水內沙堆為潭 又五十六

兩見並與卷四十七同 又六十一引韻詮云江東

語也 按今爾雅作潭沙出郭注作今河中呼水中

沙堆

為潭

江南謂水不流為淦音乃點反關中乃斬反 慧琳音義

瀨亦湍瀨也 引王逸 吳楚謂之瀨 慧琳音義七十一引

楚辭注 漢書 按今漢書武

帝紀注

楚作越

楚人名淵曰潭府 文選江賦注引

王逸楚辭注

楚人謂深水為潭 文選謝靈運

述祖德詩注

河亦江也北人名水皆曰河 莊子外物

篇釋文

塞曷支部落亦多居啜河之南其河彼俗謂之燕支河



舊唐書  
室韋傳

冷澤吳人云冰凌又力頂切

廣韻十五青

今江東呼船頭為飛閭也

廣益玉篇門部

弊蜀人呼舟

廣韻五十二沁

吳船曰扁晉船曰舶

玄應音義一引通俗文又初學記二十五但引下一句

南方俗謂正船迴濟處為艤

文選蜀都賦注引應劭按今漢書項羽傳注引如

消與此異

牀又作牆同自羊反字林颿音帆柱也江南行此音關

中多呼作竿

慧琳音義九又本卷云檣又作牆同才羊反颿柱也關中日磨竿是也

縛竹木浮於水上或運載名之為撥南土吳人或謂之

簿卽筏也簿音排

慧琳音義十引集訓

南方名簿北人名筏

慧琳音義三十三又卷五十八同又卷五十九卷六十七並云

南土名簿

今江南凡汎海舡謂之舡

慧琳音義四十七

今編竹木以水運爲簿江南名簿

慧琳音義五十九

以上水

卉百草總名楚人語也

文選吳郡賦注

江東呼蕪菁爲菰

御覽九百七十九引爾雅注

菰泉耳菜名也幽冀謂之檀菜雒下謂之胡泉

高誘淮南冥覽

訓注

廣續方言三

今羊蹄似蘆菔莖赤煮爲茹滑而不美多噉令人下痢

揚州謂之羊蹄幽州謂之遽一名蓂

齊民要術引詩義疏

萊藜也莖葉皆似葇王芻今兗州人蒸以爲茹謂之萊

蒸譙沛人謂雞蘇爲萊

齊民要術引詩義疏

揚州人謂蒟爲斑杖不知食之

崔豹古今注

荆揚人謂蒟爲藪

同上

蕊香菜根似茆根蜀人所謂蒟香蕊與藪同

文選南都賦注引風

土記 胡枕泉云蕊疑當作藪

苳水草黃花似蓴江南俗亦呼爲豬蓴或呼爲苳菜

顏氏

家訓書

證篇

江南別有苦茶葉似酸漿其花或紫或白子大如珠熟時或赤或黑案郭璞注爾雅此乃藏黃蔭也今河北謂之龍葵同上

今吳蜀之俗謂苦茶者卽爾雅所謂藏黃蔭爾匡謬正俗八

苦蕒一名苦蕒長安兒童謂爲洛神珠一曰王母珠一

曰皮弁草崔豹古今注

猴菜色赤生石上南越謂之鹿角御覽九百八十引南越志

菰蔬秦人呼蘿匐廣韻二十七合

蓴根羹之絕美江東謂之蓴龜續酉陽雜俎

今江南謂胡荽亦爲葫蘆音胡析閩里閒音火孤反慧琳

音義六十五 又卷七十亦為蒹葭  
作亦為胡荽又云近後改亦為香菱

菌聞雷即生俗呼地菌白如脂可食亦名地蕈北丁爐

厨江東人今呼土菌可食者  
釋贊寧物類相感志卷十一引爾雅孫氏注

署豫一名諸署秦楚名玉延齊越名山羊鄭趙名諸羊

御覽九百八十九引吳氏本草按本草綱目引作薯蕷一名諸薯一名兒草一名修脛齊魯名山芋鄭

越名上諸秦楚名玉延

芋蜀多此物可食其本者謂之蹲鴟  
慧琳音義五十八

菰之有米者長安人謂之彫胡葭蘆之未解葉者謂之

紫葍菰之有首者謂之綠節  
西京雜記按御覽卷一千引此節首句上有

菰米二字葍作菰綠作葍

龍川縣有畢蘆草葉似茗味苦澁土人以爲飲今南海

謂爲過羅或曰拘羅御覽九百九十八引南越志又陳藏器本草引作或曰物羅

物蓋拘字之譌

椶春藏葉可以爲飲巴南人曰葭椶廣韻九麻

藤今之苦藤江東呼爲苦蕒廣益玉篇草部又廣韻十二蟹蕒吳人呼苦藤

蔚江河閒曰葭詩小雅蓼莪正義引某氏爾雅注臧庸拜經日記云唐人義疏引某氏爾雅

注卽樊光也

橫目三輔曰結縷今關西饒之俗名句屨草也玄應音義十四

引爾雅孫氏注

青州曰莖御覽九百九十八引爾雅孫氏注

河東漢中謂之薺幽燕謂之燕薺一名爵弁一名蔓根

齊民要術引

陸璣詩疏

薺青州謂之芑

齊民要術引詩義疏

地薺北人名澁衣草

蘇恭唐本草

莫莖大如箸五方通謂之酸迷冀州人謂之乾絳河汾

之閒謂之莫

詩疏引陸璣疏

射干一名烏扇江東人爲烏蓮

文選高唐賦注

齊曰葑晉曰藟

史記司馬相如列傳引埤倉

燕支葉似薺花似蒲公出西方土人以染名爲燕支中

國人謂之紅藍

崔豹古今注

荔江東頗有此物但呼爲旱蒲顏氏家訓書證篇又

誘

野葛毒草也俗呼胡蔓草嶺表錄異

零陵香土人謂爲驚草御覽九百八十二引南越志

茗饒也幽州謂之翹饒御覽卷一千引詩義疏

寧鄉縣草多卷施江淮閒謂之宿莽御覽九百九十八引南越志

葳蕤草一名麗草又呼爲女草江浙中呼娃草美女曰

娃故以爲名任昉述異記又續酉陽雜俎同蓋本任昉而浙字作湖

苔謂之澤葵又名重錢亦呼爲宣蘇南人呼爲妬草同上

按御覽卷一千引此節苔下有錢字錢下有草字蘇作癰妬作垢



萱草一名紫萱又呼爲忘憂草吳中書生呼爲療愁花

同上

苜蓿一名懷風時人或謂之光風茂陵人謂之連枝草

西京

雜記

芍藥也今江東人呼藕根爲蔽

廣益玉篇草部又本部蔽字下云江東呼藕

根爲蔽也

野狐絲庭有草蔓生色白花微紅大如栗秦人呼爲狐

絲

西陽雜俎

西域呼白蓮花爲奔茶利迦

慧琳音義二十七

秦人謂花爲葩

慧琳音義二十八引聲類

蘆音千古反枯草也今陝以西言草蔡江南山東言草

蘆蘆音山東云七故反

慧琳音義四十三

藟謂草之有枝條蔓莖如葛之屬也吳越間謂之藤

慧琳

音義四十  
九引集訓

掃箭草形占書云關中呼為伎女草

慧琳音義十

都梁縣名有小山悉生蘭俗謂蘭為都梁即以此縣名也

慧琳音義五十二引盛弘荊州記按縣名當作名縣弘下脫之字又御覽九百八十二引作都梁縣

生蘭草俗謂蘭為都梁即以此號縣又唐陳藏器本草拾遺所引與此略異

亭歷今江東人呼為公薺

爾雅釋文

麥門冬一名羊韭秦一名烏韭楚一名馬韭越一名羊

莖齊一名愛莖

御覽九百八十九引吳氏本草又名醫別錄

苦苦蔓也齊人謂之瓜蔓

廣益王篇草部

棗一名稷稷粟也

春秋桓二年正義引爾雅健為文學注

今江東呼粟為

稷也

玄應音義二十引爾雅健為文學注又慧琳音義二十五全引此三句但稱爾雅注

江東人皆呼稻米為秣米

爾雅釋文

粿大黍也似黍而不黏關西謂之黍

玄應音義十一引倉頡篇又慧琳

音義七十四引說文稷粿也似黍而不黏者關西謂之稷粿音亡皮反

關西謂之糜冀州謂之緊

呂氏春秋本味注按慧琳音義五十九引此糜作床緊

作稷

又慧琳音義六十五云關西謂之糜是也

又玄應音義二引字體云床作糜糜二形同忙皮反

禾稷也關西謂之黍也

床冀州謂之黍也

江南呼稷爲𦵏玄應音義四引聲類義四十八云江南稷爲𦵏𦵏音仙又慧琳音

稻米穰白如霜今江東無此皆通呼稷米爲稻米耳匡謬

正俗八引陶弘景本草注

蜀土呼粒爲逼顏氏家訓勉學篇

長沙人謂禾二把爲稿廣韻五支

稭又作𦵏同痕入聲一音胡結反堅米也謂米之堅韌

椿擣不破也今關中謂麥屑堅也按也字疑譌爲𦵏頭亦

此也江南呼爲𦵏子音徒革反慧琳音義四十八

筇竹高節實中狀若人頰俗謂之扶老竹御覽九百六十三引竹譜

按與今竹譜小異

白鹿竹亦可作簞潯陽郡人呼爲白木竹

戴凱之竹譜

簞亦菌徒概節而短江漢之間謂之箴竹

箴苦怪反同上按御

覽九百六十三所引與此小異又箴作箴蓋誤

籊竹筍其竹枝上刺南人呼爲刺勒

嶺表錄異

篋篋也今蜀土及關中皆謂竹篋爲篋音彌

慧琳音義四十七引

聲類

按今蜀土句疑作音義者引申之語又五

十八引作篋篋也今中國蜀土人謂竹篋爲篋又

作篋音彌  
以上草

廣續方言卷四

江甯程先甲一夔輯

楚謂兩樹交陰之下曰樾

廣益玉篇木部

枸出蜀子可食江南謂之木蜜

廣韻九虞

荊州曰梅揚州曰柑益州曰赤梗葉似豫章無子也

應玄

音義二十引爾雅樊氏注

蜀名梅為藤

初學記二十八御覽九百七十並引廣志

栩杼今柞櫟也徐州人謂櫟為杼或謂之為栩其子為

阜或言阜斗

詩疏引陸璣疏

吳越之間名柞為櫟

元和郡縣志引周處風土記又御覽九百五十八所引櫟作樗

槃迷一名挈榼故齊人諺曰上山斫檀挈榼先殫

詩疏引陸

璣疏

今成臯諸山閒有椒謂之竹葉椒

詩疏引陸璣疏

胡椒出摩伽陁國呼爲昧履支其葉晨開暮合合則裹

其子於葉中形似漢椒

酉陽雜俎

桼其樹葉木理如楸山楸之異也今人謂之苦楸濕時

脆燥而堅今永昌人謂鼠梓漢人謂之桼

御覽九百五十八引

陸機毛詩疏異

穀幽州謂之穀棗或曰楮棗荆揚交廣謂之穀

御覽九百六十

引詩義疏蘇頌圖經本草引陸機詩疏首字穀作構或曰楮桑作或曰榼桑

朱槿花莖葉皆如桑樹葉光而厚南人謂之佛桑嶺表錄異

又續酉陽雜俎重臺朱槿似桑南中呼爲桑槿

梟苳荒也似燕萁幽州謂之椎梟齊民要術引詩義疏又御覽九百九十

五引作梟蔓也似燕萁連蔓生葉艾白色子赤可食酢而不美也幽州謂之權藟也

東南盧水水側有勝火木方人俗音曰挺木御覽八百七十一引

齊地記

棟北人呼之相思也齊民要術引詩義疏其子熟時正赤可啗俗

呼爲山櫻桃隴西人謂之棣子顏師古急就篇注

娑羅樹細葉子似椒味如羅勒嶺北人呼爲大娑羅御覽

九百六十一引魏王花木志



尸利沙梵語也此翻爲吉祥卽合昏樹也俗名爲夜合

樹也

慧琳音義八

此樹種類有二若名尸利沙者葉果則

大若名尸利駛者葉果則小關東下里家誤名婆羅

樹是也

慧琳音義十

菩提樹出摩伽陀國一名思惟樹莖幹黃白枝葉青翠

梵名有二一曰賓櫟梨

一曰梨娑

力叉二曰阿濕曷毗娑

一曰娑

力叉西域記謂之卑鉢羅力叉漢翻爲樹

酉陽雜俎

貝多出摩伽陀國長六七丈經冬不凋此樹有三種一

者多羅娑

一曰娑

力叉貝多二曰多梨娑

一曰娑

力叉貝

多三者部娑

一曰娑

力叉多羅梨

一曰多

貝多是梵語

漢翻爲葉貝多婆一日力叉者漢言葉樹也以下並同上

龍腦香樹出婆利國婆利呼爲固不婆律亦出波斯國

安息香樹出波斯國波斯呼爲辟邪樹

無石子出波斯國波斯呼爲摩賊樹按本草綱目禹錫引此賊作澤又

唐李珣海藥本草曰波斯人每食以代果故番胡呼爲沒食子

紫銚樹出眞臘國眞臘國呼爲勒佉

阿魏出伽闍那國卽北天竺也伽闍那呼爲形虞亦出

波斯國波斯國呼爲阿虞

婆那娑樹出波斯國亦出拂林呼爲阿蔀鞞樹

槃拏檣樹出波斯國亦出拂林國拂林呼爲羣漢樹

廣續方言四

齊噉樹出波斯國亦出拂林國拂林呼爲齊噉

音湯兮反樹

白荳蔻出伽古羅國呼爲多骨

酉陽雜俎又唐陳藏器本草拾遺同

華撥出摩伽陀國呼爲華撥梨拂林國呼爲阿梨訶噉

酉陽雜俎

齧齊出波斯國拂林呼爲預勃梨噉

以下並同上接本草綱目引段成

式作齧齊音別預作預音奪勃作教噉作佗

波斯皂莢出波斯國呼爲忽野簪默拂林呼爲阿梨去

伐

沒樹出波斯國拂林呼爲阿縈

阿驛波斯國呼爲阿駟拂林呼爲底珍

紫薇北人呼爲猴郎達樹謂其無皮猿不能捷也北地

其樹絕大有環數夫臂者

續酉陽雜俎

干蔗其飴爲石蜜

藝文類聚八十七引廣志御覽九百七十四引作甘蔗

今蜀人

謂之竿蔗

玄應音義十

山檳榔大于大蒟子蒟子土人亦呼爲檳榔

御覽九百七十四引

顧微廣州記

濟南郡之東南有分流山山上多杏大如梨黃如橘土

人謂之漢帝杏亦曰金杏

酉陽雜俎

波斯棗出波斯國波斯國呼爲窟莽樹

同上

偏桃出波斯國波斯國呼爲婆淡樹結實狀如桃子而

形偏故謂之偏桃

同上

今江南言林琴柰熟而粉碎謂之糗也

慧琳音義七十三

機小栗名趙魏閒語也

廣韻一先

榲楚呼為茅栗也

廣韻十七薛

以上木

蚊蚋多足蟲也關西謂蚤洩為蚊蚋蚤音求俱反下所

誅反

玄應音義二十引李登聲類脫為蚊蚋三字又慧琳音義四十六云通俗

文於求謂之蚊蚋關西呼蚤洩謂蚊蚋聲類云多足蟲也

吳人以步屈為桑闔音古合反一名螂蛆音子六反

玄應

音義十八引何承天纂文又慧琳音義二十五引作吳人以步屈名桑闔

𧈧𧈧一名步屈宋地曰尋桑也吳人名桑閭

玄應音義九引爾雅

健為文學注又二十四引同又慧琳音義七十一同不言引健為注

蟋蟀一名吟蛩初生得寒則鳴一云濟南呼為嬾婦

崔豹

古今注按文選秋興賦注引作蟋蟀名蛩初秋生得寒則鳴噪濟南謂之嬾婦也

蜺小黑蟲赤頭三輔謂之縊女此蟲多民多縊死

御覽九百

四十八引爾雅孫氏注

槽者齊俗名之如酒槽也

文選酒德頌注引劉熙孟子注胡氏考異云上槽字當

作蟪此所引乃蟪食實者之注

蚯蚓一名蜿蟺一名曲蟺江東謂之歌女或謂之鳴砌

崔豹古今注慧琳音義卷五十六卷六十七並引作一名蜜蟪江東名寒蚓善長吟於地中餘同按

蜜當是  
蜜譌

蟥蛭蚓也吳楚呼為寒蟥廣韻十  
九隱

蛺蝶一名野蛾一名風蝶江東呼為捷末末一作來  
崔豹古今注

按御覽九百四十五  
引作東人謂為捷末

紺蝶一名蜻蛉似蜻蛉而色玄紺遼東人呼為紺幡亦

曰童幢亦曰天雞崔豹古今注  
按御覽九百五十引此幡作幡

蠶一曰杜伯幽州謂之蠟陸璣詩疏  
又御覽九百四十七引毛詩義疏幽州上多

河內謂  
之蚊句

關西謂蠟為蠶玄應音義十  
六引字林

蠶毒蟲也秦晉之間謂之蠟慧琳音義五  
十七引鄭箋

毛詩 按今鄭箋但有蠶螯蟲也無秦晉之間二句  
又卷三十七卷三十八並引方言云自關東西秦  
晉之間謂之蠶螯或  
謂之蠶今方言無之

蝎江南俗呼爲主簿蟲

酉陽雜俎

蠶山東呼爲蝎陝以西呼爲蠶螯音七曷力曷反

慧琳音義

七十  
三

蜮在水旁能射人南方謂之短狐

漢書五行志第七下之上

莎雞幽州人謂之蒲錯

埤雅引草木疏

蜥蜴吳人呼爲壁虎

陶弘景本草

蝦蟇山東謂之螻蛄音七錫名敵反陝以西謂之壁宮

北戶錄注引證俗音



守宮此在舍者江南謂蜾蜬慧琳音義二十七此下尚有二句與上北戶錄注

同

蚱蜢淮南名去父卽蟾蛄也玄應音義十二引字書按慧琳音義五十五用玄

應注去父作田父

蟾蛄山東謂之去蚊蚊音方可反江南俗呼蟾蜍者音

食餘反慧琳音義四十七引爾雅郭注按今爾雅郭注無之

螻蛄會稽謂之蝻蛄埤雅釋蟲引廣志小學篇

江淮以南謂虺爲蝻爾雅邢疏詩小雅斯干正義玄應音義六並引爾雅孫氏注

碎車蟲滄洲俗呼爲搔前太原有大而黑者聲唧聊碎

車別俗呼爲沒鹽蟲也酉陽雜俎

避役南中名避役一曰十二辰蟲狀似蛇醫

同上

矛蛇頭龍身入水緣樹木生嶺南南人謂之矛

同上

蜉蝣方土通謂之渠略

御覽九百四十五引陸機毛詩疏義

蠨蛸荊州河內謂之喜子

御覽九百四十八引詩義疏

莫貉螳蜋同類物也今沛魯以南謂之螳蜋三河之域

謂之螳蜋燕趙之際謂之食肱齊濟以東謂之馬敷

然名其子則同云螳蛸

藝文類聚引鄭志答王瓚問又御覽八百四十六引禮

記王讚注云莫貉螳蜋蛸同類物色也今沛魯以南謂之螳蜋齊趙之際謂之食肱齊充以東謂之馬敷

今江東大蠶在地中作房者爲土蠶啖其子卽馬蠶木

蠶似土蠶而小在樹上作房江東亦呼爲木蠶

爾雅郭注

廣續方言四

按希麟續音義一引爾雅土蜂芥蜂郭

注今江東呼大蜂於地中作房者為馬蜂

蝨蟭蝨也騰也燕曰蟪蝨齊曰松公也廣益玉篇蝨部

北燕謂虬蟪為蟪希麟續音義四引字林

秦中多巨黑蟪好鬪俗呼為馬蟪酉陽雜俎

水蛭今江東呼為蛭蟪慧琳音義二十九引爾雅郭注按今郭注無此語蛭蟪下並

云未詳

蚰蜒江南謂大者即蜈蚣也慧琳音義二十七

青而大者曰蜈蚣黃而小者謂之入耳齊人謂之距窮

趙人謂之蚘蚘亦或曰長曬慧琳音義三十八引集注爾雅李巡說

蝨其類乳于土中深埋其卵江東謂之蚘蟪埤雅釋蟲引蔡邕月

令

埠螽幽州謂春箕齊魯謂之春黍或蜈蚣蝗蟲之類兩

股或有斑點者俗語訛轉名爲補鍾是也

慧琳音義六十

今江北通謂螽蝗之類曰蝻亦曰簸蝻一名螽蜚一名

蜈蚣俗作春黍蜈音思容反蜈音思與反

慧琳音義七十一

秦謂之蚋楚謂之蚤

慧琳音義六十  
六引古今正字

河內人呼蚊蚋爲黍民

崔豹古今注

以上蟲

蠻名魚爲鰕隅

世說六

比目魚南越謂之板魚亦謂之箸葉魚

臨海異物志

南人謂

之鞋底魚江淮謂之拖沙魚嶺表錄異 按御覽九百三十八引嶺表錄異

鞋底作鞋屨

鹽官縣石浦有海魚乘潮來水退不得去長三十餘丈

土人呼為海鵠南齊書五行志

鰐鰕有橫骨在鼻前如斤斧形東人謂斤斧之斤為鰐

故謂之鰐鰕文選吳都賦注 胡氏考異曰東人謂斤之斤為鰐鰕當作鰐 又慧琳音

義二十六引異物志云鰐鰕魚鼻上有一橫骨利如刀斧江東呼闊刀斧為鰐故謂之鰐鰕

鰐魚南越謂為環雷魚長二丈御覽九百三十八引南越記

鰐魚俗謂之猶魚御覽九百四十引臨海水土記

鰐吳人呼為鰐魚北戶錄注引證俗音

兗州人呼赤鯉為赤驥謂青鯉為青馬黑鯉為玄駒白

鯉為白驥黃鯉為黃驥崔豹古今注 按御覽九百三十六引作謂赤鯉為元駒

白鯉為白驥黃鯉為黃驥 蘇頌圖經本草引作呼赤鯉為玄駒白鯉為黃驥黃鯉為黃驥

江東呼青衣魚為婢鯉呼童子魚為土父呼鼃為河伯

使者崔豹古今注

鯉青州人呼鮎也爾雅釋魚釋文引字林 又慧琳音義五十六引作青州名鮎為鯉

鯢今商州山溪內亦有此魚謂之鮒魚嶺表錄異

鯢今江東呼為役荊州呼為鰓慧琳音義三十九

鯉魚今江南以為鮑玉海王會解注後引尚書大傳鄭注

蝮蛇也色如綬帶有牙最毒江已北名虺音虛鬼反慧琳

音義二十

五引三蒼

蛤燕雀所化也秦曰牡蠣

蕭該漢書敘傳音義引字書又慧琳音義六十五引字

林又十四云金厲千歲雀所化

瓦屋子蓋蚌蛤之類也南中舊呼為蚶子

嶺表錄異

水母東海謂之蛇

文選江賦注按御覽九百四十三引沈懷遠南越志曰海岸閒而育水

母東海謂之蛇又廣韻四十鴈蛇水母也

水母廣州謂之水母閩謂之蛇

疑駕切嶺表錄異

海鏡廣人呼為膏葉盤

嶺表錄異按御覽九百四十三海錄碎事說郛並引此葉作

菜

南土謂蠓為蠓甲為牡蠣

御覽九百四十二引南越志

蝤蛸乃蟹之巨者異者兩螯上有細毛如苔身有八足

蝤蛸則螯足無毛後兩小足薄而闊俗謂之撥棹子與蟹有

殊其大如升南人皆呼爲蟹御覽九百四十三引嶺表錄異

彭蠡吳呼爲彭越蓋語訛也足上無毛堪食同上

石矩亦章舉之類又有小者兩足如帶曝乾後似射踏

子故南中呼爲射踏子也同上按今嶺表錄異帶作常

蟪蛄俗謂之茲夷乃山黿之巨者人立其上可負而行

同上按今嶺表錄異上作背

### 以上魚

雉媒江淮閒謂之游言可與游也文選射雉賦注



俗謂鵠為骨鹿

今山東俗謂之鵠

匡謬正俗八

鵠一名鵠鵠今梁謂

御覽有梁謂二字

之班鵠也

爾雅邢疏春秋昭十

七年正義並引爾雅健為文學注

御覽九百二十一引今梁句上脫鵠鵠二字

驂黃豚二尺餘南人以為酒爵

御覽九百二十八引劉欣期交州記

吳人呼水雞為鵠渠

廣韻十陽

今江東呼鴈為鵠鵠或作歌古字也

慧琳音義四

鵠鵠江南呼為葦虎

慧琳音義二十九引爾雅郭注按今爾雅鵠作鵠郭注南作東葦

蘆作

鵠鵠似鵠而黑水鳥也紫頭曲如鈎食魚中國或謂之

水鵠

慧琳音義五十六引字林

怪鴟一名狂鳥一名鵂鶖南陽名鉤鵂一名忌欺晝伏

夜行鳴爲怪也

玄應音義九引爾雅健爲文學注又卷十三又卷十七又卷十九又卷

二十引

並同

關西呼爲訓侯山東謂之訓狐卽鳩鴟也亦名鉤格

慧琳

音義十七

又卷四十

二卷五十六文畧同

流離鳥也自關而西謂梟爲流離其子適大還食其母

慧琳音義五十四

引毛詩草木疏

梟鴟鴞也形似鳩而青出白於山卽惡聲鳥也楚人

謂之鵂鳥亦鴟類也山東名鸛鵂俗名巧婦鸛音奴

定反下公穴反

同上引字林

今鴉出北方沙漠地也肉美俗名突厥雀生蒿萊之間

如鴉大慙

慧琳音義五十  
八引爾雅注

鴉鴉白鴉鳥也關中名阿雅

慧琳音義  
七十三

中國言掬河江南言鴉鴉亦曰黎鴉

慧琳音義  
七十四

蝙蝠齊人呼為蠟蠅或謂之仙鼠職墨二音

爾雅郭注  
又慧琳

音義四十五引作  
齊人呼為仙鼠

殼又作殼同口角反吳會閒音哭卵不堅皮也

慧琳音  
義五十

又卷七十卷七十三  
下句並作卵外堅也

以上鳥

猓猓猴也楚人謂之沐猴老者為猓猓

御覽九百一十  
引毛詩草木蟲

魚疏 又引作老者爲獾大而  
黑長前臂獲之白展者爲獾獾

狄字林余繡反江東之名又余季反建平之名慧琳音義二十

七

獬狔交廣及南康郡山中亦有此物大者長丈許俗呼

之曰山都

爾雅釋獸注 按山海經海內南經郭注與此畧同末句作土俗呼爲山都

楚人謂虎班

漢書敘傳

今以江東人呼鹿曰麇

文選沈休文宿東園詩注

青州人謂麇爲麇

御覽九百七引伏侯古今注按今見崔豹古今注中

耶希有鹿兩頭食毒草是其胎矢也夷謂麇爲耶矢爲

希

酉陽雜俎

熊關西名猓熊

慧琳音義二十六引玉篇 按今玉篇 熊部猓字無此字而見于爾雅郭注

今雁門廣武縣夏屋山有獸形如兔而大相負其行土

俗名之爲蜃鼠

慧琳音義 九十六

騶駼者外國之名

爾雅釋文引爾雅健爲文學注

騶北方或曰罔

御覽九百一引廣志

以上獸

無梁夷言馬也

華陽國志 南中志

古旃牛也

酉陽雜俎北虜之先索國有泥師都二妻生子四子一子化爲鴻遂委三子謂曰爾可從古

旃古旃牛也 先甲按據此則北虜謂牛爲古旃矣

帑河內名豕也

說文 九下

梁州以豕爲豬反之于河南謂之豨吳楚謂之豨漁陽以

豬爲豨齊秦以小豬爲豨仕主反初學記二十九引何承天纂文御覽九

百三引作梁州以豕爲豨之涉反餘並同小學鉤沈輯第四句豬上有大字

豨東方名豕也釋獸釋文引字書

豨楚人呼豬聲廣益玉篇大部又廣韻七尾豨楚人呼豬

豨猥南越人名大廣韻十入尤

嚙嚙吳人呼狗方言也廣韻十遇

隴以西以大爲猶初學記二十九御覽九百四並引何承天纂文

今江北通謂伏卵曰菹江南曰菹音央富反慧琳音義四十四

又玄應音義十八引服虔通俗文曰雞伏卵北燕謂之菹江東呼菹音央富反與今方言卷八文及郭注

同

江東呼畜雙產謂之健

廣益玉篇人部引文字音義

以上畜

依廣雅移補豕屬

廣續方言卷四終

弟先科審校

右廣續方言四卷余友江甯程君一夔所箸沿子雲之  
例於杭氏堇浦程氏東治續補二編外又錄得千數百  
條用心可謂勤矣杭氏采輯未備程氏補亦無多閒有  
重複且采及宋人書君所輯則斷自唐止其精贍殆有  
過焉余承先業嘗習許君說文知說文大半據方言不  
獨關東西等句卽單詞重言亦多采子雲說今方言攷  
遺莫能憶耳杭氏所錄複者如是部逆下關東曰逆關  
西曰迎人部倩下東齊壻謂之倩方言已見余友陳君  
善餘嘗言之余又檢得擣捎一條咍咍數條亦與方言  
複又檢女部姐下蜀謂母曰姐杭氏已錄君又錄廣韻



姐羌人呼母侶廣韻亦本說文惟蜀與羌略別媚下楚人謂女弟曰媚杭程皆未錄君又錄玉篇媚云貴切楚人呼妹侶玉篇亦本說文以加切音自不爲複要皆通人緒餘隨手攢摭皆足爲訓詁之助爾君又有讀方言小記分略例校議逸文雜證諸篇其說蓋益精云長洲朱孔彰

廣續方言拾遺一卷

宣統二年十月道州何維樸署檢

江甯程  
氏著刊

余既纂廣續方言其後別爲廣續方言拾遺一卷四方學者見書目有拾遺輒以請余病其少也弗之出或曰程氏東治續方言補財百四條耳今拾遺已百有七條而又有彥博之廣續方言爲之先以是福焉少乎哉余嘿然今歲乃最錄刊之其義例亦猶廣續方言引書斷自唐止序次依爾雅而弗標目嗟乎小學者管鍵經學者也方言者分涂于小學者也自國學隕墜習小學者日益稀承學者幾莫之師甚矣其衰也然曲園先生于前十年嘗大怵經學小學淪喪余決爲必不廢今經科大學文科大學咸督肄小學諸書著爲令各行省學校

亦有以小學諸書爲課本者余言乃幸中後之君子其  
亦有涉于此乎

宣統二年太歲庚戌四月江甯程先甲一夔自序

廣續方言拾遺

江甯程先甲一襲輯

劬勞也燕人謂勞爲劬

史記相如傳索隱引說文

蠻語

加富也閤高也諾深也

唐樊綽蠻書八

東爨謂請爲數

唐樊綽蠻書八

浮屠佛也佛者漢言覺也將以覺悟羣生也其精者爲

沙門沙門漢言息也蓋息意去欲而歸于無爲

後漢書楚

王英傳注引

袁宏漢記

伊蒲塞卽優婆塞也中華翻爲近住言受戒行堪近僧

住也

後漢書楚王英傳注

撲子蠻

部落首領謂酋為上

唐樊綽蠻書四

南詔有妻妾數百人總謂之詔佐

唐樊綽蠻書八

今江南亦謂葦籬曰芭籬

史記張儀傳索隱

東鑿謂城為弄

唐樊綽蠻書八

青齊間人謂蒲薦為蒲席亦曰蒲蓋音合謂藁作者為

薦山南注在機上織者為席席下重厚者為薦

蘇恭唐本

草

蠻夷風俗

謂腰帶曰佉苴

唐樊綽蠻書八

帶謂之佉苴苴俊

也

同上

蠻夷風俗

帛曰纂漢四尺五寸也

同上

蠻 飯謂之喻

唐樊綽蠻書八

蠻 鹽謂之賓

以下皆同上

東爨謂鹽爲昀

東爨謂酸爲制

蠻 舞謂之伽傍

東爨謂地爲淶

蠻夷風俗 田曰雙漢五畝也

蠻 山謂之和山頂謂之葱路

楚越之閒方言謂水之支流者爲渴音若衣褐之褐

柳子

厚袁家渴記



蠻 川謂之賅谷謂之浪

唐樊綽蠻書八

量水川漢舊黎州今吐蕃呼為量水川

唐樊綽蠻書六案武英殿本

校語云舊唐書地理志黎州有梁水縣量水蓋即梁水轉音之訛

東人呼為山薑南人呼為美草

本草綱目引陶宏景

泉耳僖人皆食之謂之常思菜

同上

蕪菁北人名蔓菁

唐陳藏器本草又蘇恭唐本草

紫葢淮南名楚葵宜春郡名蜀芹豫章郡名苔菜晉陵

郡名水葡萄

蘇頌本草圖經引天寶單方

翹搖幽州謂之茗搖

唐陳藏器本草

葢關中謂之菹菜

蘇恭唐本草

龍葵關河閒謂之苦菜

同上

牡丹生漢中劍南土人謂之百兩金長安謂之吳牡丹

唐蘇恭  
唐本草

馬蘭生澤旁如澤蘭而氣臭北人見其花呼爲紫菊以

其似單瓣菊花而紫也

唐陳藏器  
本草拾遺

積雪草荆楚人謂爲地錢草

蘇恭唐  
本草

青齊河閒人名爲水蘇江左名爲薺蓋吳會謂之雞蘇

蘇恭唐  
本草

青葙荆襄人名爲崑崙草

同上

鼠麴草山南人呼爲香茅江西人呼爲鼠耳草

陳藏器  
本草拾

遺

水英臨汝人呼爲牛薙草河北信都人名水節河內連

內黃呼爲水棘劍南遂寧等郡名龍移草淮南諸郡

名海荏嶺南名海精木亦名魚津草

蘇頌本草圖經引唐天寶單方

圖

蓋草荆襄人俗名葦葍草

蘇恭唐本草

鬼鍼草北人謂之鬼針南人謂之鬼釵

唐陳藏器本草拾遺

顛棘今越人名爲浣草

本草綱目宏景引張華博物志

土卵梁漢人蒸食之名黃獨

蘇恭唐本草

通草子長三四寸南人謂爲燕覆子或名烏覆子

蘇恭唐本

草江東人呼爲畜菑子江西人呼爲擎子唐陳藏器本草

白菟藿南人謂之白葛蘇恭唐本草

白英鬼目草也東人謂之白草同上

羅摩東人呼爲白環唐陳藏器本草

絡石山南人謂之石血蘇恭唐本草

藤江東呼爲招豆藤唐陳藏器本草

曼遊籐蜀人謂之沈花籐同上

骨路支安南名飛籐同上

香蒲卽甘蒲山南人謂之香蒲以菖蒲爲臭蒲也蘇恭唐本草

地生者為菌木生者為櫛江東人呼為蕈唐陳藏器本草

萱草 荆楚之土號為鹿蔥嵇含宜男花序

仙茅梵音呼為河輪勒陀唐李珣海藥本草

楚名王孫齊名長孫又名海孫吳名白功草又名蔓延

魏吳普吳氏本草

芒江西呼為折草唐陳藏器本草拾遺

薑黃西戎人謂之莛蘇恭唐本草

鬱金胡人謂之莛同上

黑三稜蜀人以織為器一名琴者也唐陳藏器本草拾遺

白菊潁川人呼為回峰菊汝南名荼苦蒿上黨及建安

郡順政郡並名羊歡草河內名地薇蒿本草綱目蘇頌說引唐天

寶單方圖

薇衙南人謂之吳風草一名鹿衙草言鹿有疾衙此草

卽瘥也又有大小二種楚人謂大者大吳風草小者

爲小吳風草蘇恭唐本草

天名精南人名地菰本草綱目禹錫引蘇恭

地黃北人謂之牛嬭子蘇恭唐本草

今南人猶以由跋爲半夏同上

蚤休南人名草甘遂同上

鉤吻生桂州以南彼人通名鉤吻亦謂苗爲鉤吻根名

野葛

吳氏本草

黃環巴西人謂之就葛

蘇恭唐本草

地不容生川西山谷鄉人呼爲解毒子

同上

骨碎補本名猴薑江西人呼爲獼猴薑象形也

唐陳藏器本草

稌卽稷也楚人謂之稷關中謂之糜呼其米爲黃米

蘇恭

唐本

草

稗有二種紫黑者似芑有毛北人呼爲烏禾

唐陳藏器本草

薏苡仁生交趾者子最大彼土呼爲簞珠

本草綱目引陶弘景

東蓰謂竹爲翦

唐樊綽蠻書八

木蜜樹南方人呼白石木

唐陳藏器本草

辛夷北人呼爲木筆南人呼爲迎春

唐陳藏器本草

俗呼椿爲豬椿北人呼樗爲山椿江東呼爲虎目樹亦

名虎眼謂葉脫處有痕如虎之眼目又如樗蒲子故

得此名

同上

江東人通名楊柳北人都不言楊

同上

移楊江東呼爲夫移圓葉弱蒂微風則大搖故名高飛

又曰獨搖

本草綱目時珍引崔豹

松楊江西人呼爲涼木

唐陳藏器本草

冬青冬月青翠故名冬青江東人呼爲凍青

同上

石刺木乃木上寄生也生南方林簣閒其樹江西人呼



為靳刺亦呼為籬院樹同上

穀此即今構樹也南人呼穀紙亦為楮紙本草綱目引陶弘景

肉豆蔻生胡國胡名迦拘勒大唐陳藏器本草拾遺

文林郎南人呼為楹梲唐李珣海藥本草

毗梨勒出西域及南海諸國嶺南交愛等州戎人謂之

三果蘇恭唐本草

交廣生者非舶上檳榔皆大腹子也彼中悉呼為檳榔

嶺表錄異

鹽麩子蜀人謂之酸桶亦曰酢桶吳人謂之鹽麩戎人

謂之木鹽唐陳藏器本草

刺蜜胡人名爲給敦羅

同上

廣州有一種波斯棗彼土人呼爲海欒

嶺表錄異

波羅蜜果樹高數十丈大數圍生子味極酸蒙舍永昌

亦有此果大如甜瓜小者似橙柚土俗或呼爲長傍

果或呼爲思漏果亦呼思難果

唐樊綽蠻書八

壁錢蟲北人呼爲壁繭

唐陳藏器本草

蝱蟧今轉爲顛當河北人呼爲蚨蟧音姪

唐同上

石薑漢中人食之名石薑亦名盧蜚一名負盤南人謂

之滑蟲

蘇恭唐本草

鼃一種黑色者南人名蛤子

本草綱目引陶弘景

山東人呼蜘蛛一名唧蛆

蘇恭唐本草

百足襄陽人名為馬虻亦呼馬軸又名刀環蟲以其死

側臥狀如刀環也

同上

鼃一名長股俗名土鴨南人名蛤子善鳴者

陶弘景本草

南蠻大蟲謂之波羅蜜亦名草羅

唐樊綽蠻書八又卷七云大龜南

詔所披皮赤黑文深炳然可愛又卷八云有超等殊功者則得全披波羅皮

秦人呼蠐螬為山龜

陳士良食性本草

鳬龜腹折見蛇則呷而食之故楚人呼呷蛇龜江東呼

陵龜居丘陵也

蘇恭唐本草

布穀鴈鴈也江東呼為穫穀亦曰郭公北人名撥穀

唐陳

藏器

本草

鴝日狀如黑鶩鵒作聲似云同力故江東人呼為同力

鳥

本草綱目  
引陶弘景

鳩鳥出商州以南交廣人亦云鳩日

蘇恭唐  
本草

鴝即梟也一名鵬吳人呼為魍魎

唐陳藏  
器本草

骨納獸生西番突厥國胡人呼為阿慈勃他你

唐陳藏  
器本草

蠻鹿謂之識

唐樊綽  
蠻書八

蠻犀謂之矣

原注讀如  
咸同上

蠻牛謂之舍

唐樊綽  
蠻書八

廣續方言拾遺終

受業韓兆湘寫本